

# Bill pawl peknak

## Na phaisa tuahtoning ttialnak

### Bill hi zeidah a si?

Bill cu thil pakhat khat kan hman mi man a si, abianaah, ti, gas, mei, inn fawn, mobile fawn le internet. Na hman mi thil paoh ah bill a um lai.

### Zei bantuk bill pawl dah ka don hna lai?

Ti, gas, mei, inn fawn, mobile fawn le internet bill pawl na dong lai.

### Bill pawl hi zeitindah ka pek khawh hna lai?

Bill pekning lam tampi a um. Cucu na bill ah khan an langhter ko. Internet in asilole fawn chonh in bank account in pek khawh a si. Mipum in carek ah pek khawh a si asilole cheque asiloah money order tuah i ca in kuat khawh a si. Centrelink bawmhna a hmu mi na si ahcun man pek a hau lo mi Centrepay timi hmang in pek khawh a si. Thla fatin na ngunruuk chung in rak zuh lengmang ding in tuahter khawh a si.

### Bill ka pek khawh lo ah tah zeitin?

- ▶ Kampani kha a rannak in chawn hna.
- ▶ Manlo Fimchimtu sinin bawmhna na hal khawh.
- ▶ Buaibai nak kha hitihin va um ko seh na ti lai lo.

### Hngal Peng

- ▶ Bill cu thil pakhat khat kan hman mi man a si, abianaah, ti, gas, mei, inn fawn, mobile fawn le internet.
- ▶ Bill pek ding cu mi paoh nih ngeih mi a si

### Tamdeuh hngalh khawhna

Bill peknak kongah bawmhna na herh ahcun manlo Phaisa lei Fimchimtu 1800 007 007 ah hin chawn hna asilole bill an khuatu kampani kha chawn hna.

Phaisa lei Fimchimtu kongah tamdeuh theih na duh ahcun MoneySmart website, [www.moneysmart.gov.au](http://www.moneysmart.gov.au), ah hin zoh asilole 1300 300 630 ah hin fawn chawn hna.

Lamhla pehtlainak ah hman mi thilri lei ngiathlaitu (Telecommunications Industry Ombudsman) kong tamdeuh hngalh na duh ahcun website [www.tio.com.au](http://www.tio.com.au), ah hin zoh asilole 1800 062 058 ah hin fawn in chawn.

Mei le ti lei kong ngiathlaitu (Energy Ombudsman Water Ombudsman) kong tandeu hngalh na duh ahcun MoneySmart website, [www.moneysmart.gov.au](http://www.moneysmart.gov.au), ah hin zoh law utility bills ah khan zoh hna.



### Phaisa lei Fimchimtu sinin manlo in bawmhna hal

Reda le Heba cu bill peknak kongah harsatnak an ngei. Zeidah pek awk a si le zeitik i pek awk a si an hngal lo.

Australia an phanhka khuachung ah an rak kal i mipem tthutdirnak bawmtu pakhat nih a rak chimh mi hna kha an hun hngalh tthan. Mipem tthutdirnak bawmtu nih khan khuachung i a um mi mibawntu buu nih zeibantuk pawl ahdah an bawmh khawh hna ti a si. Pakhat a chimmi cu manlo Phaisa lei Fimchimtu kha bawmh na hal khawh hna ti a si.

Reda le Heba nih kampani kha chonh i an harsatnak chimh khawh a si asilole manlo Phaisa lei Fimchimtu sinin bawmhna hal khawh a si. Manlo Phaisa lei Fimchimtu sinin bawmhna hal dingah an phehchah zeidah kan kampani pawl sinah zeidah kan chim lai i zeidah kan hal hna lai ti an hngal lo.

Phaisa lei Fimchimtu nu min cu Mary a si i phaisa lei fimchimtu nih an tuahmi le zeitin in kan bawmh khawh hna ti kha a fianh hmasa hna. Mi an bawmhning pakhat cu phaisa hmuhna le hmanna tuakchungnak ser asilole an batmi phaisa cham tthannak caah timhlamh tuah hi a si. Reda le Heba cu Mary an chimh caah a tthadeuh ngaingai cang tiah an ruah.

Mary nih cun Reda le Heba cu kampani kha a chonh piak hna i an phaisa ngeih tawk tein pek lengmang dingin a tuahpiak i a bawmh hna. Athaizing ah Mary nih cun Reda le Heba cu a tuah piak mi hna chimh le an bill pawl pek ni le pek ding a zat pawl ttialter dingah a chonh hna. Nithla relnak hman le bill pek a cut ni nithla relnak ah i ttial dingin ruahna a pek hna.

Reda le Heba cu Mary nih a bawmh hna caah an i lawm. Fawn an i chonh hnu cun ze bill dah pek a cu, zeitik ah dah pek a cut tile zeizat dah pek a hau ti pawl kha nithla relnak ah an i ttial hna.

This page has been left intentionally blank.